

مجموعه ابو الضحیٰ

ماسوا شایسته شدن دلی تطهیر و چالش
بر تو حکمت و عرفان لایله توره آتش

علوم و معارف دین بحث ایدر. و هر ماه عربی ابتدا سیله اون بشده نشر اولنور مجموع عدد.

عدد ۲۲ - جلد ۲ [فی غره شعبان سنه ۱۲۹۹] [نسخہ سی ۳ فروش]

نجوم ذوالاذنابلک کره ارض ایله مصادمه لری

قویروقلی ییلدیزلر کره ارض ایله مصادمه ایده ییلیرلرمی ؟
مصادمه لری حالنده نه حادثه ظهوره کلیر ؟

قویروقلی ییلدیزلرک اطراف شمسده اولان دورری انشاده رسم
ایستکاری دائرلرک محرک ارضی قطع الظلرینه نظراً، برکون اولوبده
بونلردن برینک کره مزله بر آنده نقطه تقاطعه وصول ایله تصادم لری،
فنا و عقلاً محال اولمیان حالانددر.

شمسیه قدر بویه برصدمه یه اوغرا نلدیغی معلوم ایسه ده ۱۸۶۲
سنه سنده درجه تصادمه تقرب ایدلدیکی اثبات ایدلمشدر.

سنه مذکوره حذرانک اوتوزنچی کونی طالع اولان ییلدیز انشای
حرکتنده اصحاب رصدک مشاهده سنه نظراً بر میلیون فرسخی مقباجوز
برطول ارئه ایدن قویروغنک اوجیله کره ارضه تماس ایده رک کچمشدر.
سکان ارض ایسه بو حادثه دن قطعاً خبردار اوله مامش ایدی :
چونکه حادثه تماس قبل الوقوع اخبار ایدلمامش اولدیغندن، رصدینه
اعتنا اولنمامشدر.

بالکزه انکثره اصحاب هیئتندن بر ذات طلوع فجرده اویاندقدده
افقده صاریه مائل غریب برضیا مشاهده ایتیه سیله مخیر اولمش؛ و بوکا
دائر یازدیغی مقاله ده « اویاندیغم زمان کونش طوغمامش اولسه ایدی
کور دیکم ضیایی فجر شمالی اثری ظن ایتکلکم طبیعی ایدی. » دیمشدر.
ایشته حادثه تماس حس ایدیه مدیکی حالده اثر تماسی مشاهده
ایدلمش و یعنی بوتماس « فیضان ضیا » دن بشقه بر حادثه انتاج ایتامشدر.
کره ارضک ذوی الاذنابدن بریله مصادمه لری وقوعنه دائر نه
برقید تاریخی ونه ده بر اثر فنی موجود اولدیغندن، مصادمه نک انتاج
ایلیدجکی حالات حقنه برکونه استدلالنده بولنیله من. بناء علیه بویابده
هر نه صورتده بیان مطالعه ایدلسه هیچ بری فرضیاتدن قوریتله من.

بعض حکمایه كوره قویروقلی ییلدیزلرک جوهری درجه عالیّه حرارتده بولنان بخار و غازلردن عبارت بولندیغی جهتله کواکب مذکورهدن برینک دکل، عوماً ذوی الاذناب کره مزله برآئده مصادمه لری لازم کلسه موقت بر فیضان ضیادن بشقه برکونه تأثیرلری اوله مز .

حتی مشاهیر اهل هیئتدن هرشل ايله بایندنه یکذبان اوله رق « بو مصادمه، کره مز ايله تلاقیسی قابل و تأثیری [هیچ] اولان مصادماتدن عبارت قالیر. » دیمشلردر .

دیگر بعض اصحاب هیئت دخی قول مذکورک تمامیه خلافی ادعا ایشلدر .

از جمله انکایر هیئتشناساندن ویستون کره ايله برنجیم کیسودارینک مصادمه سندن برطوفان عمومی حصوله کله جکنی وینه مشاهیردن (پینغره) مصادمه کره ارضی قردن محروم یعنی تصادم ذوذنبیدن آنک قویروغنه طاقیله رق بزدن انفکاک ایده جکنی ادعا ایشلردر .

فرانسه علماسندن (مویرتوی) دخی بویابده بیوک فره درینک استیضاحاته جوابا یازدیغی مطالعات مخصوصه سی صره سنده « برنجیم کیسودارینک سیاره ارضه چارمسی خاطر و خیاله کلز هرج و مرجه باعث اوله رق، شمسه نسبت قطبلری، شمیدیکی خط استوا، و خط استوای قطبلر وضعیته تحویل ایده جک و بونک نتیجه سی اوله رق، سکان ارضک بر قسمی صغوقدن طوندیروب، دیگر قسمی ده شدت حرارتدن قاوره جق . » دیمشدر .

ریاضیوندن مشهور (لانه رت) دخی بر ذوذنبک مصادمه سی کره مزری فضای ناهتاهی ایچنده شمیدیکی موقعندن میلیارجه بعید بر مسافهیه سوق ایده رک، و شمسدن دخی کذا او نسبتده تباعد ایتدیره رک، کرده برشتای مقاومتر سا حصوله کتیره جکنی و حیوانات و نباتاتک بو صورتله تلف اوله جغنی بیان ایشلدر .

معاصر من اولان علمای هیئت ایسه، فن هیئت انسانی اولیان
ذوات سالف التذکارک فکر لر به اشتراک ایتدیرک، مصادفه واقع اولسه بیل
قوروقلی بیلدیزلر (غاز) دن یعنی بر ماده مضیثدن عبارت بولندقلری
جهتله حادثهک وقوعی ائشاده شدی موقت بر حرارت حصوله کتیرمکدن
بشق بر تأثیر کو ستر میه جکار نی بیان ایتکده درلر .

یکرمی طقوز سنه مقدم فرانسه رصدخانه سی مدیری ایکن وفات
ابدن منجم مشهور آراغسو « کره ارض ایله بر ذوزنبک مصادمه سنک
۲,۰۰۰,۰۰۰ میلیون عدم احتماله مقابل بر احتمالی اولسه، او احتمال ائشاندیه
دنیا به کلکی آرزو ایدرم . » قولیه بویله بر مصادمهک استحاله سنه قائل
اولدیغنی کو ستر مشدر .

فی الحقیقه جو مطلق ده میلیار لرله اجرام بولندیغی حالده کو اک
ذوی الاذنابک آنلرک هیچ بریسنه التفات ایتدیرک، او میلیار لر ایچنده چاراشیق
ایچون آریوب آریوبده کره مزی بولمقنی درجه سنی تعریفه تعیر بولنه میان
غرابدن وتعیر آخرله کره مزک معلوم اولان صغر حبیله برابر بر قوروقلی
بیلدیز ایچون (اگر تعیر حاز ایسه) مطمح تلاقی اوله جق قدر اجرام
مهمدن صایبانی بشرده وجودی مشکر اولیان خود پانلک انواع نندن
عد اولنجه شایاندیر .

کتم اسرار
حقیقه بعض اقوال کیمیز .

حضرت فاروق (ر.ع) « بن سریمی بو وقتیه قدر بر کیسه یه
فاش ایدوبده آکادخی افشا ایلدیکی ایچون لوم ایتدم . زیرا بنم صدرم
کندی سریمی حفظ اتمکه ضیق اولدقدن صکره، آخرک صدری کندینک
اولیان سر ایچون البته اضیقدر . » یور مشلردر که انسان کندی سترینی
صافلانجه مقتدر اولدیغنی حالده غیرک اوسره قطعاً اهمیت ویرمه جکنی
افهامدر .